

Nuna tamakkerlugu suliffissaqartitsiniarnermi ataatsimiititaliap aamma suliffissaqartitsiniarnermi ataatsimiititaliat ilaasortassaannik qinersinissaq pillugu ikaarsaariarnermi malittarisassat pillugit Namminersornerullutik Oqartussat nalunaarutaat

Kalaallit Nunaanni suliffissarsiuussisarneq pillugu Inatsisartut peqqussutaanni nr. 4 29. oktober 1985-imeersumi §§-it 4 aamma 5 maldllugit § 24 naapertorlugu makku ikaarsaariarnermi maligassatut aalajangersarneqarput:

§ 1. Kalaallit Nunaanni suliffissarsiuussisarneq pillugu Inatsisartut peqqussutaat nr. 4 29. oktober 1985-imeertoq naapertorlugu qinersinissap tungaanut nuna tamakkerlugu suliffissaqartitsiniarnermi ataatsimiititaliami aamma suliffissaqartitsiniarnermi ataatsimiititaliani ilaasortat, Kalaallit Nunaanni suliffissarsiuussisarneq pillugu Inatsisartut peqqussutaat nr. 12, 16. oktober 1979-imeersoq, Iriatsisartullu peqqussutaat nr. 3 21. oktober 1980-imeersoq aqutugalugu allanngortinneqartoq naapertorlugu ataatsimiititaliani taakkunani ilaasortassatut qinerneqarlutillu toqqarneqarsimasut ingerlaannassapput.

§ 2. Inatsisartut 1986-imi siullermeerlutik ataatsimiinnerminni nuna tamakkerlugu suliffissaqartitsiniarnermi ataatsimiititaliami ilaasortaatitassartik toqqassavaat tamatumalu kinguninngua nuna tamakkerlugu suliffissaqartitsiniarnermi ataatsimiititaliaq inissitsiterluni ataatsimiissaaq.

§ 3. Nuna tamakkerlugu suliffissaqartitsiniarnermi ataatsimiititaliap atortuuffiata assigissavaa piffissaq Inatsisartut qinigaaffiat.

§ 4. Kommuneni suliffissaqartitsiniarnermi ataatsimiititaliap ilaasortassaanik qinersineq ataatsimeeqataasartussanillu toqqaaneq etrniinnaq pisinnaavoq naammassiniarneqassallunilu konunualbestyrelsep pisarnertut 1986-imi siullermeerluni ataatsimiinnerani kingusinnerpaamillu 1986-imi pisarnertut aappassaaneerluni ataatsimiinnerani.

Imm. 2. Kommunalbestyrelsenut bygderådenullu qinersisarneq pillugu Inatsisartut inatsisaanni kap. 3-mi qinersinermut tunngatillugu aalajangersakkat maleruarneqassapput.

Hendrik Nielsen

/

Margrethe Sørensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut